

UGOVORA

TELEKOMUNIKACIJSKE USLUGE – FIKSNA TELEFONIA

zaključen dana 18.03. 2021. godine u Sarajevu između ugovornih strana:

1. Stomatološki fakultet sa klinikama Sarajevo, Bolnička br. 4a, kojeg zastupa dekan prof. dr. sc. Muhamed Ajanović (u daljem tekstu: **Naručilac**)

Identifikacioni broj: 4200542470007
Poreski broj: 01073987
Transakcijski rn: 1411965320008475
Budžetska organizacija: 2104024

2. BH Telecom d.d. Sarajevo iz Sarajeva, Ulica Franca Lehara br. 7, kojeg zastupa generalni direktor mr. Sedin Kahrman, dipl. ing. saob. i kom. (u daljem tekstu: **Ponuđač**)

Identifikacioni broj: 4200211100005
Poreski broj: 200211100005
Transakcijski rn: 3389002208289012

PREDMET UGOVORA

Član 1.

Predmet ovog Ugovora je isporuka usluga fiksne telefonije na Stomatološkom fakultetu sa klinikama koje će Ponuđač izvršiti Naručiocu u skladu sa odredbama ovog Ugovora i tenderskom dokumentacijom Naručioca broj: 02-2-1-48-77-10/20 od 22.12.2020. i Ponudom broj: 02-2-1-48-77-12/20 od 15.01.2021. dostavljenom po konkurentskom zahtjevu za dostavu ponuda za nabavku usluga fiksne telefonije na Stomatološkom fakultetu sa klinikama Univerziteta u Sarajevu.

Ponuđač se obavezuje da usluge izvrši u skladu sa Tenderskom dokumentacijom naručioca i ponudom Ponuđača usluga držeći se tehničkih propisa, pravila i standarda i pozitivnih propisa koji uređuju predmetnu oblast.

Ponuda Ponuđača usluga je u prilogu i čini sastavni dio Ugovora sa specifikacijom usluga.

CIJENA

Član 2.

Naručilac će na ime isporučenih usluga iz člana 1. ovog ugovora Ponuđaču isplatiti

Cijena bez PDV-a: 14.851,32 KM;
Porez na dodanu vrijednost (PDV 17%): 2.524,72 KM;
Popust: 0,00 KM

UKUPNA VRIJEDNOST / CIJENA sa PDV-om: 17.376,04 KM;
(slovima: sedamnaesthiljadatristotinesedamdesetšest i 04/100 KM).

Član 3.

Cijena iz prethodnog člana utvrđena je na osnovu vrsta, količina i jediničnih cijena iz Ponude Ponuđača / Specifikacija usluga.

Ugovorene jedinične cijene su fiksne i ne mogu se mijenjati ni pod kojim uslovima.

ROK ISPORUKE

Član 4.

Ponuđač se obavezuje da će isporuku usluga fiksne telefonije vršiti po dostavljenom zahtjevu / narudžbenici Naručioca usluga u kojoj će biti naznačene vrste usluga najkasnije u roku od 30 kalendarskih dana od momenta dostavljanja narudžbenice od strane Naručioca.

NAČIN PLAĆANJA

Član 5.

Naručilac će izvršiti plaćanje samo nespornih usluga isporučenih po ovom Ugovoru i ovjerenih od strane odgovornog lica.

Plaćanje će se vršiti u roku 30 (trideset) dana od dana dostavljanja fakture.

Plaćanje će se vršiti na transakcijski račun Ponuđača br. 338900220889012 otvoren kod UniCredit banke.

OBAVEZE NARUČIOCA

Član 6.

Naručilac se obavezuje da izvrši plaćanje isporučenih usluga na način i u rokovima utvrđenim ovim Ugovorom.

OBAVEZE PONUĐAČA

Član 7.

Ponuđač se obavezuje, naročito:

1. Isporučiti usluge na način, u rokovima i po cijeni određenoj Ugovorom i tehničkom specifikacijom;
2. Pridržavati se u potpunosti ovog Ugovora na osnovu kojih se isporučuju usluge;
3. Ponuđač se obavezuje da će isporuku usluga vršiti kontinuirano u trajanju od jedne godine počev od dana zaključenja ovog Ugovora pod uslovima iz tenderske dokumentacije.
4. Snosi sve eventualne štete prema trećim licima prilikom isporuke usluga, odnosno nastalih kao posljedica isporuke usluga;

UGOVORNA KAZNA

Član 8.

U slučaju prekoračenja roka za isporučene usluge iz ovog Ugovora, Ponuđač se obvezuje platiti Naručiocu ugovornu kaznu u visini 1 % od ukupne vrijednosti ugovorenih usluga za svaki kalendarski dan prekoračenja roka iz člana 7. ovog Ugovora. Ukupna ugovorna kazna ne smije prelaziti 10 % ukupne vrijednosti ovog Ugovora.

Plaćanje ugovorne kazne ne oslobađa Ponuđača obaveze da u cijelosti završi i preda Naručiocu isporučene usluge

Ako Naručiocu nastane šteta zbog prekoračenja ugovorenog roka isporuke usluga u iznosu većem od Ugovorne kazne Ponuđač je dužan da plati Naručiocu pored ugovorne kazne i iznos naknade štete koji prelazi visinu Ugovorne kazne.

BANKOVNE GARANCIJE ZA OSIGURANJE IZVRŠENJA UGOVORENIH OBAVEZA

Član 9.

Ponuđač je, u smislu osiguranja izvršenja obaveza po ovom Ugovoru, obavezan Naručiocu, dostaviti sljedeću bezuslovnu originalnu bankarsku garanciju (prema formi / obrazcu utvrđenom od strane Naručioca):

- garanciju za uredno izvršenje Ugovora / dobro izvršenje posla u iznosu 10 % ukupne vrijednosti Ugovora, sa rokom važnosti garancije: 60 dana;

Ponuđač će garanciju iz prethodnog stava dostaviti u roku od 7 (sedam) dana od dana zaključivanja ovog Ugovora / obostranog potpisivanja ovog Ugovora.

Garancija za uredno izvršenje ugovora dostavlja se u originalu. Garancija ne smije biti ni na koji način oštećena (bušenjem, i sl.) jer probušena ili oštećena garancija se ne može naplatiti. Ukoliko garancija za uredno izvršenje ugovora nije dostavljena na propisan način, shodno uslovima iz tenderske dokumentacije i u roku iz prethodnog stava, zaključeni ugovor će se smatrati apsolutno ništavim.

RASKID UGOVORA

Član 10.

Naručilac može raskinuti Ugovor jednostrano u sljedećim slučajevima:

1. ako se Ponuđač ne pridržava ugovorenih obaveza, odnosno ukoliko grubo krši odredbe Ugovora;
2. ako Ponuđač ne isporuči usluge u ugovorenom roku, izuzev ako je za odstupanje data pismena saglasnost odgovorne osobe Naručioca;
3. ako Ponuđač dođe u situaciju da ne može izvršiti svoje obaveze iz Ugovora;
4. ako Ponuđač ne otkloni nedostatke po primjedbi odgovorne osobe Naručioca.

Ako Naručilac raskida Ugovor zbog neizvršenja ugovornih obaveza od strane Ponuđača, Naručilac može raskinuti Ugovor, nakon što Ponuđaču da primjereni naknadni rok za izvršenje ugovorenih obaveza, a Ponuđač ni u naknadnom roku ne Izvrši svoje obaveze.

Član 11.

Ugovor se raskida izjavom u pisanom obliku koja se dostavlja drugoj ugovornoj strani.
U izjavi mora biti naveden razlog zbog kojeg se Ugovor raskida.

Član 12.

Ako ugovorne strane sporazumno raskinu ugovor tim sporazumom regulirat će sva pitanja nastala povodom raskida ugovora.

OSTALE ODREDBE

Član 13.

Sve izmjene i dopune ovog Ugovora mogu se vršiti samo uz postignutu saglasnost ugovornih strana i zaključenje pismenog aneksa ugovora.

Član 14.

Ponuđač nema pravo zapošljavati, u svrhu izvršenja Ugovora o javnoj nabavci fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala komisija za nabavke, najmanje 6 mjeseci po zaključenju ugovora, odnosno od početka realizacije ugovora, a u skladu sa Zakonom o javnim nabavkama Bosne i Hercegovine ("Sl. glasnik BiH", br. 39/14), član 72. stav (6).

Član 15.

Ovaj Ugovor stupa na snagu danom potpisivanja i uvođenja u posao od strane ovlaštenih predstavnika ugovornih strana.

Svi rokovi u vezi sa ovim Ugovorom računaju se od dana stupanja Ugovora na snagu, ukoliko posebnom odredbom nije ugovoren neki drugi datum kao početak toka roka.

Član 16.

Ugovorne strane su saglasne da će, u slučaju, da pojedina pitanja, vezana za izvršenje obaveza i ostvarivanje prava po ovom Ugovoru, istim nisu regulisana, primjenjivati odgovarajuće odredbe Zakona važećih za predmetne nabavke i Zakona o obligacionim odnosima.

Član 17.

Ugovorne strane su saglasne da sve eventualne sporove koji nastanu iz odnosa zasnovanih ovim Ugovorom prvenstveno rješavaju sporazumno.

Ukoliko se nastali spor ne može riješiti sporazumom, za rješavanje spora određuje se nadležni sud u Sarajevu.

Član 18.

Ugovorne strane su saglasne da sastavni dio Ugovora čine: Tenderska dokumentacija Naručioca i Ponuda Ponuđača.

Član 19.

Ovaj Ugovor je sačinjen u 4 (četiri) istovjetna primjerka od kojih svaka od ugovornih strana zadržava po 2 (dva) primjerka. Svi primjerci važe kao original i imaju jednako pravno djelovanje.

Ponuđač
BH Telecom d.o.o.

generalni direktor mr. Sedin Šahriman,
dipl. ing. saob. i kom.

Broj: 01-19-03/21
Sarajevo, _____ 2021.

18-03-2021 M.P.

Naručilac
Stomatološki fakultet sa klinikama

Dekan
prof. dr. sc. Muhamed Ajanović

Broj: 02-2-1-48-77-18/20
Sarajevo, 04.03.2021.

